

松

壽

堂

詩

鈔

松壽堂詩鈔卷五

貴陽陳夔龍稿

蘇臺集起丙午三月迄丁未八月

九江夜泊

嵐影波光淡有無滿船載月下匡廬浮名苦被青山笑  
豈不懷歸畏簡書

舟過安慶望城塔

嚴城高塔費躋攀江水東流去不還二十四年驚過電  
又來重問皖公山

登金山放歌

三十年前飽看山此山尙在江中閒今來山色仍如舊  
已覺近關非遠岫江天一覽最上乘 純皇御墨寶光  
凝亂後昆明幾刦火摩崖重憶湘鄉曾就中坡公留玉  
帶作鎮山門殊狡猶身世已如春夢婆名心不落青山  
外伊誰好事過髯蘇待詔有詩兼有圖千錢買得付釋  
子賸以經幢足清娛看山惟看眞面目刻畫丹青總嫌  
俗中冷泉冷郭墓荒底事山邱變華屋憑闌北望簡書  
馳鏡中雙鬢漸如絲別後山靈應笑我出山可似在山  
時

重過焦山有感

江清曉汲上樓臺我爲看山冒雨來蒼蘚侵階迷故迹  
綠篁夾道半新栽老僧枯坐禪心寂獨客登臨倦眼開  
可惜左芬歸去早不會屐齒共追陪

蘇州贈曲園先生

曩歲曾游春在堂重來吳下拜靈光等身自有千秋業  
靜對都教百慮忘舊學商量融獨洛新醅留飲話滄桑  
詰朝佳句聯翩出想見先生刻燭忙

年年酬唱紀郵程今日春風撲面迎差喜到門逢泄柳  
未應執轡御侯羸浮生天地多憂樂此老東南繫重輕  
團扇家家留畫本吳中傳徧放翁名

五十自述用大梁留別韻

多謝天公好護持致身猶及未衰時年符伯玉先聞過  
才愧達夫強賦詩千古褒譏公論在半生甘苦幾人知  
有情最是曲園叟好句穿珠獨得驪承以詩爲壽

回首防山臘淚痕八齡孤露祇今存菊英零落荒陶徑  
雀網蕭疏認翟門縱賊兵臨樂安里時苗匪賜張官軍不敢殺賊但擾民而  
已捉人吏似石壕村書聲中斷機聲續夢冷慈烏月夜

魂先母姜太夫  
人督課極嚴

結褵初締玉臺盟家具誰憐一葉輕蘂裏誤人成夙疾  
計車遲我賦長征青袍下第劉司戶白眼窮途阮步兵

載酒江湖仍落魄十年小杜未知名

一劍相攜當倚筇錦城絲管繫游蹤花間早置嚴公幕  
飯後羞聞王播鐘靜好情隨梁案永題詩春到草堂濃  
元戎自有籌邊略徼外年來已息烽

謂丁文誠公

凡馬長嘶冀北聞欣逢伯樂頓空羣西東兄弟成羈旅  
翻覆人情雜雨雲蘇季一生常作客少陵每飯不忘君  
置身何處有荆棘堪笑榴花妒煞裙

浮生哀樂近中年又賦關雎芳菜篇對鏡修眉朝染翰  
挑燈賭韻夜忘眠紅羊白雁經年却書擔琴囊共一肩  
太息金鑾先宿草難禁老眼淚潸然

已無蔡女伴中郎門巷烏衣薄謝王萬軸別開羣玉府

七年不到國花堂

京師極樂寺花事甚盛自經庚子之亂國花堂不可問矣

仲宣早

歲會游鄰裴相中興待頌唐

昨至虎邱謁吳文忠公祠

一樣黃梅好

時節錯疑吳會是家鄉

不定頗似黔南吳中天氣晴雨

耽吟性癖意重申草閣江寒尙似春門外應無投轄客  
窗前已有詠花人漫云苟羨功名早深愧睢州理學醇  
夜半斗南屢回顧一官羈絆百年身

端午口號

去年舊句分明白再到端陽罷舉杯今日尊前風雨急  
絮庭何處覓詩才

子原太守援例迴避調任贛江詩以送之卽用其

感懷韻

玉殿通明啟四聰舊游幾輩執手躬行行驄馬三移節  
渺渺鷗波一轉蓬餽有去思追白傅會看薦表出吳公  
尊前甫酌論文酒持向離筵醒醉同

廿年郎署等閒官各抱冬心耐歲寒五柳君無陶令宅  
一竿我憶子陵灘烏臺封事千門肅鶴市豐碑萬口刊  
早晚漢廷召宣室勉承清問述艱難

珠簾暮捲棟朝飛莫道滕王景物非官好未嫌松菊傲  
政平先喜吏人稀聯牀夜雨難爲別隔座屏風幸免譏

傳語吳兒多種竹他年騎馬迓公歸

題含真仙蹟圖

靈素含真妙絕塵曲園詩老句清新誰知詠絮庭前女  
已是支機石畔人世外金環成後約夢中瓊管證前身  
亭亭玉樹臨風立月夜雙歸悟轉輪兼悼穎文

浪迹江湖五十年而今兩鬢漸蒼然凝情精衛填滄海  
恨事媧皇補漏天弱質竟符高密識浮家尙少志和船  
爺娘喚女聲咽不在黃河黑水邊

贈亭秋卽送其回杭州

結稿十五載五次賦歸甯此行復何爲驪歌不忍聽蘇

杭隔咫尺一水可揚舲程短恨偏長相看鬢髮星一官  
歸未得魂夢繞西泠西泠非我鄉孤山向客青勞君先  
問訊他日有雲停去去休感傷焚香鈔佛經

書感

別君三日抵三秋況復秋江月滿舟襟上酒痕都化淚  
蘇州今夜憶杭州

海棠仙樹植靈根戲語童時忍再論阿母若詢天上事  
花旛香拂女兒魂

七月十日登靈巖望太湖卽事

塵鞅勞形久閉關浪游乘興一開顏低留雁齒平鋪水

高挂烏篷飽看山縱壑魚知江海闊忘機人共桔槔閒  
莫云澤國秋多慘心在煙波欸乃間

靈巖絕頂瞰胥湖一幅江南好畫圖帆影遠隨飛鳥沒  
鐘聲高徹片雲孤銀濤捲雪人哀楚寒雨連江客入吳  
到眼眾山堪聚未應風景憶菰蘆

勝境琴臺莽鬱盤錯疑谷口似王官半林黃葉驚秋老  
夾道蒼松逼歲寒策蹇未妨行腳健披襟陡覺客衣單  
家書鎮日煩雙鯉翠裏何人倚竹欄

蘇臺聞盡幾滄桑歌舞吳宮又夕陽廢苑祇今盛禾黍  
殘碑留與話興亡佛燈明滅離僧老秋草萋迷輦路長

歸去輸他牛背穩一聲牧笛暮山蒼

壽日本松方海東

扶桑遙望五雲蒸竹箭東南喜得明華族淵源盛鹿島  
維新相業媲伊藤耆年矍鑠君難老經濟專家我未能  
富貴汾陽兼壽考徵詩遙爲寫吳綾

贈日本領事白溫卿

夫遂東游計吳門喜遇君輔車重脣齒尊酒論詩文如  
竹虛能受似蘭香可薰江南苦卑溼高飲暮天雲

憶內

秋雨一城陰不知三伏暑書來少歡言知君心最苦

君弄浙江潮我歌滄浪水潮水落還生嬌女竟如此  
信步陟修廊夕陽半明滅落葉晚蕭蕭愁煞江南客  
別途一水遙別緒三秋似檢點舊寒衣何人共料理  
縱適歸甯意翻增失女悲遙知曉窗下對鏡懶修眉  
永夜角聲殘江城驚早寒家書萬金抵深望報平安  
百年我過半卿亦四十九除卻同心結彼此復何有  
塵海一爲別何處覓金環與君理生曠終傍右台山

紀夢愴懷

蘇臺昨夜起秋風又見冠纓入夢中執手無言驚瘦損  
不堪老淚泣枯桐

短髮鬢鬢上學初偏憐似爾轉愁余夜臺不改聰明性  
補讀生前未讀書

爲我先留土一坯種花多種嶺前梅阿爺底事歸來晚  
泉下相思日百回

一妹相攜伴九泉兩亡母定夜開筵多情最是西冷月  
影到深宵分外圓

汝母年來萬慮刪強扶衰病一登山登山豈爲求仙佛  
盼爾蓬萊跨鶴還

回首孤山起暮雲萬花香護女兒墳買鄰尙有曲園在  
不朽先刊墓志文

游天平山白雲寺

雲氣入空濛清秋四望中大田多稼熟危岸野花紅峭削石成笏彎環水抱弓未尋山裏寺乘興已無窮

高義范圍古

先皇有御題四圍青靄合一綫白雲低

山頂名一綫天塔影當空出湖光入望迷平沙留片石小坐夕

陽西

平生憂樂志愧此秀才身地僻僧疑客林深犬吠人出山泉易濁入夢鹿非真書劍一船共天涯未是貧

仕隱殊喧寂山林感廢興不曾楓葉冷已苦桂花蒸犧背晚聞笛魚籃初上燈裏中詩本在得句寫吳綾

讀曲園先生自愧日本哲學家詩卻贈

何止東南繫重輕大名鼎鼎滿寰瀛扶桑哲學淵源富  
小柳高才纂述精聲價雞林齊白傅經師北海一康成  
憲章若採曲園集定有和文影本行

八月十七日送昌豫回杭營葬兼寄亭秋

與兒三度別此別傷我懷漫天風雨急落葉滿空階去  
去之江路扁舟一僕偕大事爲營葬小事爲營齋  
歸去告兒母秋色老橘柚一別兩月餘眠食可如舊天  
寒翠瘦單人靜黃昏後平生不佞佛佛亦不汝救

一樣中秋月今年太無情縱非千里隔已欠十分明世

事同轉燭他生悟此生右台山下路遙指淚縱橫

回首廿年事雙雙下玉棺兩女又如此墓梅不勝寒一  
坏未乾土待我暮雲端獨有賢孟光常留伴伯鸞

晨起口號

一夜漏聲長夢回摧我腸重營徐淑葬最惜左芬亡留  
土收吾骨招魂非故鄉蘇臺遙下拜含涕且焚香

秋夜不寐

湖海元龍意氣平沈沈夜漏不勝情燈前書味兼禪味  
枕上風聲誤雨聲落葉打窗秋已老生花繞筆夢難成  
子山舊有江南賦何況中年感易生

乙巳六月甲子長女昌紋歿於大梁官廨慧質早  
世悼惜同聲遺言昔曾侍母三至杭州愛彼中山  
水之勝願葬西湖余不忍拂其意今春調任三吳  
蘇杭一水咫尺非比故鄉萬里因念亡室淑卿蓮  
漪兩夫人遠厝黔中忽忽已廿餘載道阻且長省  
視無從爰將兩柩並移南來兼以次女昌穎之柩  
由京送杭卜地於錢塘右台山之原曲園詩人生  
壙之右四棺合窆而余與亭秋亦各營生壙於左  
嗟夫作客天涯不無異鄉之感相見他日尙聯舉  
室之歡率成一律刻石墓門後之覽者其謂之何

夢裏鄉關夢裏身重泉相隔總相親多情西子湖邊月  
永恨梁鴻廡下人種竹補酬嬌女意買山喜結曲園鄰  
夜臺營罷營生廣留伴梅花萬古春

重陽日崇佑之尙衣招同朱經田方伯朱竹石糧  
儲杜雲秋羅申田兩觀察秋禊於拙政園申田卽  
席賦詩爰和韻呈主人并示諸君子

復園清宴啟清秋杖履翛然屏八騶節好未沿風雨例  
是日晴酒酣欲共羽觴浮亭邊落葉紅難掃檻外遙山翠  
欲流高會主賓成雅集片帆已挂爲君留適巡太湖展期一日  
尙衣銜命秉旌旄兩載經綸補袞勞五采彰施邀

帝眷萬家機杼塵民膏明年此會人應健尚衣復言後約領日  
禪心醉裏逃難愛江東好詩句茱萸同插首頻搔

山茶開罷菊花宜刼後名園再造基勝地由來有興廢

諸公何以濟艱危問年合補毛詩傳合席六人共三百歲說餅須

妨夢得知尚衣出新莫漫催租敗清興杜康一醉倒瓊

卮雲秋不勝酒

兄弟登高望眼賒一官羈旅負棲霞東山絲竹懷安石  
河北功名愧仲華聊爲晚花酬令節待將秋景寫蒼葭  
來朝尙有湖山約石壁題詩抵拜嘉

登太湖洞庭東山莫釐峯

爽氣朝來露未融，籃輿乘興洞庭東。  
鬱盤巖翠橫眉際，浩渺湖光到眼中。  
絕巘松杉妨客屐，故山猿鶴盼歸篷。  
莫釐高處如登岱，一覽諸峯拜下風。

古雪居和陶文毅公韻

明湖一角許句留，花木禪房事事幽。  
刦火未經峯抱寺，雲汀而後我登樓。  
陶文毅後八十餘年，雖無續到者。碧蘿春好滋泉乳，  
紅葉秋高醒客眸。莫問山中古時雪，出山先恐雪盈頭。

遊石公山

洞庭波泛嶺西東，又策枯筇訪石公。  
若有無閒煙靄合，最高絕處地天通。  
渡頭落日詩情遠，洞口歸雲客意同。

山有歸  
雲洞

一夜扁舟載明月生涯都在五湖中

太湖雜詠

昔從胥口瞰湖濱今向湖山作主人博得吳儂稱怪事使君何事往來頻

晚村黃葉認江南天外雲帆拏蔚藍收拾全湖歸眼底此來不爲洞庭柑

莫釐信美最高峯入耳微聞遠寺鐘山外有山如聚米插天七十二芙蓉

生涯大半釣魚竿八十年前識漢官忙煞紅男與綠女紛紛都向馬頭看

菱湖鎖鑰付袁絲游徹侯官慎所司爲問詩人汪少尹  
亡羊可有補牢時

楓林紅處點苔斑秋嶺如妝靚玉顏今夜滿船載明月  
臥聽鼓角渦海山

太平簫管正祈蠶思痛還從痛定談歌榭舞臺轟鉅礮  
去年今日鬪方酣

石公古洞闢歸雲對面三山列掌紋我似秋雲歸未得  
心香獻佛不須焚

沙鳥風帆有若無水天一色總模糊浮雲變態須臾事  
看過晴湖又雨湖

船頭相接尾相銜半是旌旛半是帆行到中流更容與  
綺塵滌盡紫羅衫

何年地窟植靈根玉柱金庭氣吐吞日逐飄輪三百里  
樓船已到獨山門

惠山避客雨空濛第二泉聲咽曉風我愧風流白太守  
不會五夜住湖中

登惠山三茅峯絕頂

屐齒難到處忽登三茅峯茅君不見客山下雲濛濛

得家書和亭秋韻

浮生哀樂已中年身世還爲百慮牽客裏重陽無賴甚

因君聊拂冷金箋

汪柳門侍郎招飲網師園卽席用游石公山詩韻  
狂濶孰障百川東吏部文章合屬公江左蒼生望安石  
河汾門下識王通宦情蘊菜秋風早此地桃花潭水同  
欲向網師添韻事生涯多半釣船中

詩興官梅盡閣東座前何可少車公百年古樹森森立  
一帶紅闌面面通石瘦待將藤月補苔深渾與稻雲同  
蘧園不盡閒鷗鳥都在汪波千頃中

朱經田方伯招飲卽園

盍簪高會卽園春誰識朱陳誼最親金谷三宣將進酒

玉關萬里未歸人此邦非復吳蒙舊作貢無妨楚相貢  
何止蘭成工獻賦江南有客鬪清新

豸節雙銜備采風

謂鄧葆真陳抱初兩觀察

滇雲黔雨鬱葱千竿

鳳尾七賢共

圍竹極多合坐共七八人

一道虹腰兩水通

圍有兩池一橋貫之

潔幽脫帽未妨張旭醉

張蓬仙大令賈普洱令不勝酒

調符應與老坡同

蘇靜謂

安大令賈普洱茶惠山泉水

和凝更有催詩鉢佳句喧傳吳郡中

益山參戎

### 不寐

何來冰炭自胸生小極新寥悟宦情窗隙侵風燈閃鑠  
枕邊警夢劍飛鳴

日本白溫卿新贈一劍時置枕邊

一寒范叔綿袍舊

丁文誠公贈羊裘一襲至  
今衣之已三十餘年物  
詩思澀故遲魚鑰報天明

病愈懷妻悼女

一病連三日方知冬夜長經營到藥物顛倒著衣裳黑  
髮華顏改紅闌粉碓荒遙憐老德曠履徧越山霜  
吾疾猶堪愈汝年不再來勞勞塵世窄惘惘寸心灰縱  
有丹青在難將懷抱開此生長已矣蘭桂再生栽

重展含真圖

謝庭誰與話纏綿况是江南落木天重向含真訪仙蹟  
一同展視一潸然

步屢空廊倦倚樓今宵又見月當頭年來多少傷心事  
都在杭州與汴州

依然笑靨倚春風強斂眉顰慰若翁回首梁園絲竹夜  
錯疑身在畫圖中

亦風亦雅鄭家詩黃絹親題絕妙辭一事畫工難審識  
滿腔忠孝幾人知

得家書卻寄

煩君吉語問安甯如睡冬山向客青料得右台風月夜  
滿天黃葉打疏櫺

柳門侍郎以前和詩用江東孟公等字嫌與曲園

同作詩自嘲殊不知各有其妙也率賦呈正兼候  
曲老

君才十倍邁陳東牙慧拾人論未公廁上詩餘工競病  
君患痔疾就愈腹中經筍本淹通江湖戀 闕閒情遠揚馬能文異曲同獨我年來吟興減多應身在簿書中

徐花農同年寄示瑞蕙詩四首曲園先生和其第

四首平字韻余亦和其第二首亭字韻並質兩公  
大好題襟孺子亭蘭芳猶得傲冬青書來爲祝春常在  
花好都緣德可馨紉佩三秋留屈監來書云九月重開十月猶盛 弹琴一曲弔湘靈來詩有不無感慨思琴操句蓋花農新喪偶故云 惜哉未下淮

園榻並蒂詩成影答形

余昔在淮園有並蒂蘭詩曲園會賜和

感舊篇

落葉打窗不可聞夜郎天外感離羣  
問名生小同徐淑理玉何人惜左芬  
先公昔試牒廩令君祖觀風領列郡  
淵源和范早傳衣婚媾朱陳遲報聘  
外舅翩翩五馬才書堂深柳爲誰裁  
卻慚毛氈青衫舊也下溫家玉鏡臺  
子歸雅解慈姑意作婦寒門百不備  
典到金釵釜上塵織成錦字書慵寄  
牛衣相對復相憐殘月疏星離恨天  
遲我三春偕計吏惜君一病損華年  
石火電光不俄頃蓮花漏盡清宵永  
殮衣猶用嫁時裳翦刀二月春風冷

花落黔山總斷腸人天一別兩茫茫不曾眉展悲元相  
大減腰圍瘦沈郎年年寒食一尊酒墓梅不見鶴廝守  
卻憐愛女葬湖西翻使玉棺移浙右雲車風馬去來頻  
應知我亦未歸人泉下待留三尺土夢中已覺一家春  
春來春去感頭白白頭尙作江南客此日營齋花雨場  
當年伴讀秋燈夕回首鄉關賸涕痕罔極未報劬勞恩  
煩君手挈兩嬌女魂兮歸侍桃花園

續感舊篇

裏薄天寒人獨立朔雁拚飛老鴟泣兩年靜好琴瑟鳴  
五夜相思風雨疾一絃一柱數華年續命鴛鴦望若仙

松柏參天荷深眷蒹葭倚玉締良緣入齡我痛遭孤露  
襁褓蓼莪君罷賦同作孤兒賴母慈形單更有阿伯顧  
合歡初下鬱金堂對鏡施朱靚曉妝作婿東牀容坦腹  
送人南浦浣離腸雙飛恰似歸來燕仙侶同舟誰不羨  
夔門夜火鬪新詩巴峽寒濤飛素練筑陽家慶喜登樓  
王粲春來賦遠游人日舊題草堂寺東風吹上帝王州  
臨歧脈脈丁甯語蘋薦未能吾病矣芙蓉及第會須時  
甘蔗旁生當早計猛聞此語大纏緜過後思量總黯然  
十萬縱饒元九俸金鑾誰與慰樂天鳳凰山下一坯土  
相看遠隔劉郎浦粉墜香銷二十年來作西湖風月主

朝衫檢點涕留痕營奠難酬故劍恩沒未撫棺葬未送  
茫茫此恨向誰論尺書寄自亭秋館踏破越山黃葉滿  
料得嬌女顏如花泉下雙雙依聖善獨我東西南北人  
萍飄偶寄夢中身白頭自忖無侯相思歸深羨季鷺蘪

卽事用徐小舟韻

干城幾輩作公侯邊事渾如棘刺猴無意屬車隨豹尾  
有心渤海釣鼈頭北門掌管羣聽鑰東治除名黨赦鉤  
如此關山要人物拾來都向袋中收

竹馬重來認紳侯三公一國楚人猶憂時涕淚看藍面  
異數恩膏遞綠頭大錯六州融鐵冶早朝三殿下簾鉤

青松紅杏今無恙如畫江城筆底收

十一月十五日恭奉懿旨升孔子於大祀誠盛  
典也曲園先生有詩敬次元韻

嗟麟歎鳳擬非倫德配天乾與地坤滄海橫流文未喪  
崇祠升祔道尤尊金絲舊出魯王璧玉詔新頒堯  
母門夫子廟堂碑可續四朝詩老曲園存

詔開曲阜學堂疊前韻

賢比邱陵已不倫宣尼日月照乾坤須知後聖崇前聖  
不在犧尊與象尊逃墨歸楊學異派金聲玉振禮爲門  
皇朝億載優儒術曲阜堂開至道存

昌黎生辰有懷

哭兒已無淚悼兒尙有詩詩成五更寒淚盡九原知今  
日復何日是兒墮地時忽忽十八年歲月去如馳清晨  
一鑪香午奠酌瓊卮聊盡生人意無當罔極慈我思有  
時已難遺爾母悲早晚右台山朔風撲面吹昨日鯉書  
至薦福禮牟尼特營三日齋爲續長命絲書紙何黯淡  
強半涕痕滋不知泉下人思親淚早垂骨肉幾時聚西  
湖水一涯行當理歸舟來訪仙客姿我遇竟如此問天  
天無詞

讀寧秋病中自述詩感贈並詢歸期用元韻

多病因憐女綠慳恨轉長曝簷冬日薄到枕北風涼蓄  
艾三年意藏蕉一夢場歸期須早計堪斷幾回腸

閱韓桂船中丞聽雨第三圖懷伯仲兩兄

曾見韓家兄弟無尙留聽雨第三圖何年我亦圖中住

早晚遲君米飯菰

問曲園先生疾時正酣睡迨歸而佳詩至知病已漸愈矣喜賦奉酬卽步元韻

先生壽者相春在畫堂前小病神仙刱全真古佛緣談經起廢疾中禮罷周旋一枕黑甜熟夢回栩栩然

前詩意有未盡疊韻卻寄

大好曲園樂孫曾繞膝前百年猶有待二豎已無緣離  
坎期交姤公病服涼品甚投邪詖費轉旋留公延正學漢宋兩歸然

接亭秋杭電來蘇有期詩以迓之再疊前韻

款君如款客客到在春前一日刀環樂三生鉢盒綠花容驚瘦損錦字喜迴旋還望右台樹欣然又惘然

飛瓊初嫁日回首廿年前玉鏡臺猶在香鑪巷有緣俸錢勞計畫繩褐賦言旋舊訂白頭約卽今未皓然

題淮海饑民圖

滿目淒涼色如披鄭俠圖使君慚薄德赤子竟何辜飢

甚寒交迫兒攜老又扶救亡猶不暇何忍再催租

百萬泉刀賜 恩頒 堯母門吾 皇普膏澤爾輩慶  
生存飄泊誠無地歸來尙有村寄聲賢守令積善與兒  
孫

遲亭秋不至又成二律三疊前韻

扁舟不得泊帆影落尊前聽雨添詩料焚香締佛緣波  
翻疑鴨泛山隱失螺旋薄暮人爭渡歸哉憶浩然

湖海仍爲客豪情尙似前鳥鳴花有信魚羨木空緣世  
事豚眠祝名場蟻磨旋何如乘薄笨相挽樂陶然

輓曲園先生

待欣瓊筵禮九賓

賄屆重宴瓊林之期惜不及待

俄因春到轉傷春

公歿

於十二月廿三日時方祀竈兼值立春

劇憐書種江南斷無復靈光魯殿

親一代正宗長慶體四朝大隱葛天民黃羊列祀難諧

俗老眼羞看媚竈人

憶接清光癸卯年

用公贈句

梁園頻寄唱酬篇重來吳會春

仍在

余蒞蘇撫任時在三月杪

會累先生喜不眠柱下通家交最篤

濂溪光霽景無邊八驥魄擁金闇節一過高齋一黯然

重陽曾侍曲園觴卅載歸來徑未荒共羨高風半蘿袞

獨留遺恨掃粧糠鴻噭惠已流淮海

公賣字助賑

鹿宴

恩猶盼沈郎

公歿前一日尙以沈君重宴鹿鳴事見詢聞

說東瀛飛電急少

微星隕鄭公鄉

日本領事白君以  
公訃電告政府

依然師友話生平風馬雲車管送迎地下談經曾太傅  
湖庵舊雨老彭鏗臨淮勳業同拚命庾信文章獨老成  
萬本須完後死責不堪春在落花情

公病中諱諱以多印春在堂全集見

囑

除夕口號

爆竹聲聲和麗譙燈紅酒綠可憐宵荷囊檢點詩多少  
又著金貂賦早朝

丁未元旦卽事

臘酒剛開餞歲筵書春親手擘紅牋欣逢鳥語花香日

已過知非學易年舊夢梁園泥上雪新詩吳郡襄中篇  
鳴珂夜半朝天客一片心常捧日懸

曉窗旭日看亭秋簪梅花

冷豔幽香繞夢思懊憊心事此花知繁華未覺春如海  
相對寒窗看折枝

鬢影蕭疏久不簪簪花都寓惜花心壽陽原是梅知已  
何獨孤山處士林

正月二日書懷

千門紫陌歲華新詠絮庭空不算春結想多時翻夢少  
暗香生處覺情親何來大士瓶中水小厯神仙刲後身

綠意紅心收拾盡羨他梅萼獨精神

夜夢 姜太夫人慈顏甚霽醒後淒然有作

八座仙輿入夢來喜逢阿母笑顏開歡聯新歲圓樂慶  
難遣終身孺慕孩兒婦羹湯頻進奉文孫衣錦費親裁  
醒回依舊燈如豆噪曉慈烏返哺哀

和亭秋詠梅

絕妙詩才亞采蘋愛花同賞一枝春迎眸色眩羣山玉  
是日大雪撲鼻香消十斛塵天上綠章頻問訊座中白戰轉  
清新嫣紅姹紫殊多事誰識寒梅希世珍

春夜與亭秋詠雪聯句

預卜豐年兆

筱石

頻添韻事豪  
雪窗開睡眼

亭秋

鴻案

試吟毫柳絮

漫空舞

筱石

梅花著色高

謝庭悲道韞

秋

梁苑感枚皋

凍合留泥爪

筱石

春融誤雨膏

壓廬高

士臥

亭秋

掃徑小笑勞

鑪點香烹茗

筱石

旗飄濁買醪

神通獅象戲

亭秋

冷傲竹松操

夜靜風聲急

筱石

朝晴

鳥語嘈天公

貽畫本

亭秋

題句問仙曹

筱石

### 游獅子林

獨客春游倦來觀獅子林半池新雨足一徑白雲深石瘦峯猶古松寒鶴在陰先皇臨幸日勝景不堪尋佛力難呵護滄桑閱歲華錯疑高士宅零落狀元家地

僻園無主天低樹噪鴉一般真趣少煙鎖御碑斜

人日徘徊山茶花下

小園人日詠山茶深淨軒中正著花應有寶珠號連理勿勞羯鼓試三撾作成冷豔留殘雪煉就丹砂鬪晚霞除卻梅村吟興好百年喬木幾詩家

約朱省吾學博陸孟孚太守游滄浪亭

欹斜石徑鎖煙蘿勝地滄浪載酒過亭上一詩賦歐九坐中二客伴東坡風番未覺鶯花早雪後偏留鴻爪多記否商邱圖畫裏不堪別緒付春波

題不繫園

身如不繫舟灌園心偶契園小甚於舟何日巨川濟

昨游滄浪亭遲楊逸真觀察嚴晴初大令不至疊

前韻

濯纓亭上品松蘿惜少鄰枚屐齒過勝地不妨遲雅集

清才應許到鑾坡衝寒驢背吟情遠弔古獅林客感多

是日兩君乘驥遊  
獅子林曾有詩獨我鄉心太無賴釣徒何處寄煙波

月下有懷

未買金錢夜偏饒繡谷春最憐窗外月不照膝前人福慧兒時語嬌癡夢裏身年年上元節燈火易傷神

游山塘再疊前韻

曲榭新牽補屋蘿東風紫陌幾經過繁華香雪渾如海  
旖旎艷脂尚有坡插鬢料應花市早推襟但覺酒痕多  
春游七里山塘路畫舫紅橈翦綠波

漫興三疊前韻

不繫園中徑翦蘿布鞋乘興一經過蘇鄰近濯滄浪水  
海客遠來星架坡作宦秋雲難比薄勸耕春雨不嫌多  
置身如在桃源裏堪避黃巾與白波

詠懷四疊前韻

脫卻朝衫著薜蘿瞿公門巷幾回過人情翻覆魚吹浪  
客路崎嶇馬注坡宦味嫌濃鄉味淡酒痕減少淚痕多

長安棋局原無定慧茲明珠感伏波

十七日夜月逸真晴初兩君游園以詩索和五疊  
前韻

若然石壁挂藤蘿池館春宵逐客過對影合成三李白  
隨身忽化百東坡買來良夜休論價減卻清輝未覺多  
一樣月明千里共錦書誰寄寶蓮波

重題淮海餓民圖六疊前韻

誅茅無地況牽蘿百萬哀鴻眼底過秋潦已憐蒹在水  
冬寒惟見雪盈坡東朝金帑駢蕃錫江左蒼生託命  
多禍始追原開禁日米船今已罷甯波

過曲園七疊前韻

閨園墳坫冷春蘿書巷深深忍再過吾道獲麟驚絕筆  
才人落鳳竟名坡衡文梁苑收帆早作客江南得句多  
湖上一樓獨千年年俞舫泛鷗波

嘉定廖樾衡君時來謁有悼仲山尙書八疊前韻

松柏高高施葛蘿頻勞車轄巷中過曾分東角數間屋  
尙憶南明相見坡公生於鎮遠府官舍府治有相見坡兩府謀猷青史在

十年卿相黑頭多鳴騶遠隔喬公墓斗酒難澆感逝波

讀逸真春感詩卻贈九疊前韻

幕府春深冷翠蘿銷除萬事酒無過白旗捲海容孤拔

黃帶留山笑竹坡吐鳳才人投閣早鯽魚名士過江多  
輸將一著全盤錯付與汪汪千頃波

正月二十日蓮漪夫人生辰焚寄

芊綿草色自年年又值生朝薦几筵秋恨未忘捐扇日  
春寒甫過買燈天新營馬鬣三台路舊夢夔門萬里船  
一語報君聊慰藉白頭呵母健如前

北窗修竹茂密分移不繫園西牆下送之以詩

與竹平生契闊深愛君隨處解虛心移將牖北三分影  
補就牆西一角陰留客未更新地主棲枝應憶舊林禽  
漁竿煩爾先料理黃滿江干感不禁

寒山寺雅集

夢繞寒山十載前鐘聲催我上吳船雙橋抱寺皆春水  
一徑穿花近午天海外客星共尊俎日本領事自君在坐江南舊雨半華顛七言絕唱誰堪繼祇有江村兩字傳去歲曲園先生

詩有

子原太守由甯紓道來蘇小住數日臨行以詩贈別卽送之吉安任

吳門春夜共綢繆雪後飛鴻爪印留木日荷延客甫將三徑掃拏舟又向百花游韋公祠宇恩猶在庾信鄉關願未酬莫怪離亭歌管急有人催唱大刀頭

京華回首買燈時記否當筵譜柘枝老我紅情殊落落  
送君碧草已離離茂陵諫稿無封禪君前在諫垣直聲最著溢浦  
琵琶有夢思後夜滕王閣上月飛觴千里醉瓊卮

和逸真感事韻

草長江南鶯亂飛誰知朔雁未言歸三春已半猶懸未  
一食難推況解衣稍粒劇憐鸚鵡飽桃花空羨鱖魚肥  
卽今誰似監門使上請書成夜漏稀

十六日有懷

底事游仙不念歸寥天無際碧鸞飛愁看病後澄泥印  
怕檢兒時舞綵衣窗隙侵風紅豆冷山中聽雨綠梅肥

何當喚醒春婆夢鴻寶瑤函舉世稀

久雨喜晴

綠蘋風動吉星占預卜農家富米鹽鎮日巡檐誠獻曝  
昨宵聽雨醉傳籤排雲輦待黃人捧頂禮香教紅裏添  
莫道戟門清絕甚鵲聲噪喜失森嚴

無題一首

黃雲莽莽護三台凡馬嘶風仗下回道左誰能忘破瓶  
鑪邊孰與畫殘灰橫刀長揖公真健牘背書名禍有胎  
誰似清新庾開府江南作賦不須哀

幼石二兄由蜀抵鄂詩促來蘇

會否君平卦肆占一官蜀道薄銅鹽十年形影惟看劍  
萬里郵船早報籤膝下同增兒女恨鬢邊各訝雪霜添  
荊州未是羈留地短後衣裝促辦嚴

感賦疊前韻

熊飛難向夢中占日暮驅車驥服鹽博醉十千沽斗酒  
廢書三萬惜牙籤謝公棋漫爭先著汲黯薪還最後添  
獨有釣竿自高絕清風誰似富春嚴

造興再疊前韻

秋風未起鐸先占鱸膾蒼羹豉下鹽門下喜投豪士轄  
衙齋倦閱選人籤開將春甕新醅熟買到瑤琴舊債添

宦味闌珊瑚味永焚香一卷讀楞嚴

寒食日重展舍真仙蹟圖三疊前韻

巽宮一索向誰占柳絮庭空不道鹽麥飯又逢寒食節  
藥珠重啟畫圖籤七襄雲錦仙衣燦雙襋龍鍾老淚添  
最是阿娘殷薦福早妝初罷誦華嚴

二月二十六日耕耤禮成卽事

夙駕星言靈雨零勞農親過勸耕亭鞭絲近向花間拂  
旌旆遙從柳外停半畝泥融春意滿一蓑夢醒曉煙青  
無忘稼穡艱難事布穀聲聲側耳聽

三月朔日恭懸 恩賜福壽字疊前韻

感激深時轉涕零拜 恩親向觀光亭巡行南國春先  
到揮灑 東朝手不停五色相宣輝藻采八年在外愧  
銀青三多還上堯天頌華祝同聲和漏聽

述懷再疊前韻

已拚書劍付飄零更擬看山到敬亭懸肘敢期金印大  
澆胸莫放酒杯停筆花夢裏難爲彩燈味兒時分外青  
草長鶯飛春易老江南哀雁不堪聽

遙望一首用子原太守韻

四年不到 闕門趨 天語遙聞 帝曰都臣朔苦饑  
晨待詔賈生年少夜傳呼調和諸將軍諮急糟粕羣經

道味腴王業艱難知稼穡幽風誰繪勸耕圖

憶昌紋疊前韻

可能他日過庭趨嬌女難忘美且都紫石終南白傅恨  
黃河天上木蘭呼絮才久輒生前詠磬面還驚病後腴  
贋有含真仙蹟在莊嚴寶相夢中圖

三月四日補行修禊事游虎邱遂至李文忠公祠  
示同游諸君

展修禊事到山均睡綠陰中俗慮拋樓上有蘇空悵望  
山有仰蘇樓  
惜已廢圯駒前無鳥漫推敲一池春水流花片萬籜  
炊煙上柳梢劫後銷殘金虎氣平吳祇唱李公饑

碧蓋亭亭幕府蓮蘇臺春好共流連已過上巳初三日  
來品吳山第五泉離亂况經天寶後風流誰似永和年  
真嬾墓與生公石都付孤雲落照邊

續虎邱春游疊前韻

漫山空翠撲堂坳九十春光未肯拋綠水護田秧馬滑  
白雲封寺木魚敲到來花韻晴方午歸去松陰月挂梢  
誰唱吳儂烏夜曲戈船鼓吹畫船鐃

浮圖七級倒披蓮直上天梯石棧連旖旎春游盤馬路  
闌珊宦味出山泉獅林弔古懷前日螺嶺看花感少年  
憔悴斗南人一箇不禁回首五雲邊

紋女前供膽瓶櫻桃結實感賦

聞道朱櫻出上闈今朝春破膽瓶寒攢紅花底星初燦  
染紫枝頭露未乾移植近依青玉案薦羞雅趁水晶盤  
託身幸未沾泥滓朵殿珠宮著意看

詠鞭筍

壞錯難分膝薛先著來合試祖先鞭班聯玉砌貓頭貴  
香擁春泥馬腹前買共蘆肥過北市貢堪櫻配指南船  
一心咒爾休成竹始信胸中有渭川

前詩意有未盡復成一首

策蹇淇泉欲斷流亭亭新見筍芽抽籜龍番信春先著

竹馬兒時志早酬  
拜到使君蒲九節  
笞他奴婢橘千頭  
登盤未改凌雲志  
馳逐東籬憶舊游

送亭秋赴杭兼悼吾女

淚多愁病眼鬱甚  
恐傷肝觸我中年  
感憐君來日難湖  
山送春去花月共人  
寒一路飛黃蝶聞香  
強自寬連宵尋短夢  
不見左嬌蹤已訝紅塵隔  
除非青鳥逢一  
琴惟鶴伴兩瘦太  
龍鍾欹枕支離甚  
寒山但聽鐘

朱經田授吉林巡撫同人拙政園公讌卽席賦贈  
同舟吳下幾蟾圓又送星輶到日邊  
王迹肇基根本地  
離筵惜別豔陽天澤敷松杏銜新  
命效奏桑榆改舊

絃宣室若詢江左事備荒先請大農錢

三月廿四日穎女生辰辭世已十四年矣爲之慟

然疊前韻

花未全開月未圓慰情難遣鏡臺邊回思玉燕投懷地  
已過紅羊曆劫天女生於癸巳京寓歿於甲午二  
月未幾東日事起中原多故矣菊就  
陶公惟飲酒桐焦蔡女罷鳴絃遙憐此日西湖路阿母  
雙雙送紙錢兼悼  
絃文

舟發木瀆再疊前韻

柔艣聲聲蹴浪圓扁舟輕過跨塘邊鴨頭漲綠疑無路  
螺髻浮青欲上天裏底新詩吳郡本曲中舊夢錦城絃

往歲在蜀侍丁文誠公遊極山水之樂俊游未覺春光滿先辦囊中買酒錢

游穹窿山

雙橋一水斷仍連漠漠春陰霏遠天樂歲但看青草色  
幽棲喜結赤松緣盪胸雲氣昇仙宅撲面山光壓客船  
笑指買臣讀書處還鄉惟羨錦衣鮮

登望湖樓

百八鐘聲上界聞亂峯新翠滌塵氛春歸三月落紅雨  
客到諸天飛白雲千里相思南浦別幾人騰笑北山文  
尊前各有憂時涕酒載江湖浪策勑

光福里登萬峯禪院

纔訪赤松問道還又來光福款禪關花開花落仍爲客  
泉濁泉清總愛山棋局易輸聊遣興酒杯莫放暫開顏  
千年法物輕鐘在響徹孤雲夕照間

詠司徒廟清奇古怪四柏樹

司徒遺廟鎖煙霞喬木千年屬世家漢殿塵將朝雨挹  
景山陰倩夏雲遮茫茫厯劫虬枝老咄咄書空黛色誇  
留伴歲寒稱四友此來原不爲梅花

三月二十七日悼淑卿夫人

廿年舊夢冷金闈五秩營齋意更懷地下萊衣應起舞

人間梁案竟難齊平安望斷尺書鯉辛苦聽殘五夜雞  
蕭寺今朝誠薦福糟糠兩字忍重提

命輪舟入杭以詩代柬

飄輪穩便當安車臨發先馳一紙書來去計程三日半

遲君不至負鮆魚

柳門侍郎  
適饋鮆魚

書來眠食總平常親串一般爲女忙觸我昨宵無限恨  
夢中呼喚促歸裝

余昨夢  
女歸

以滄浪亭石刻五百名賢畫像分贈經田中丞媵  
之以詩

一水盈盈送客船濯纓清到出山泉贈君五百名賢像

位業期君邁昔賢

題曲園先生遺像

白髮譚經歲月深千秋一傳重儒林吳中畫扇平原繡  
難貌先生衛道心

題逸真春柳畫扇

舊夢秦淮感陌頭新陰遙憶瓣香樓銷魂不是桃花淚  
萬縷春心一握秋

周少樸提學升署奉天參贊行有日矣以詩贈之

榆關柳唱幾回聞甫送朱雲又送君時局競爭蠣一角

官權合定鼎三分

東三省新定官制設一總督三巡撫督署特設兩參贊左右之巡撫受成

西北門已報準留鑰西夏俄驚范在軍難副江南多士  
意電書空草繁賢文

曾徇蘇人士之請電商樞部  
留君暫緩赴奉寬不可得

弔顧康民侍郎

廿年壇坫有輝光才瞻兼通五口商曾共科頭理塵牘  
獨留倦眼閱滄桑回天懇款迎

鑾表

前尹京兆曾據  
紳民之請辭懇

兩宮回鑾  
稿煩君擬歎血雍容脫穎囊太息還鄉虛畫錦隻雞  
斗酒一登堂

與二兄深淨軒夜話

飄輪未到電先聞翦燭中宵正憶君三峽蕭森猿嘯急  
十年離索雁行分勞生久已憚行役豪氣猶能張酒軍

閻徧長安新第宅莫譚時事且論文

五月三日爲余五秩有一初度陳伯平方伯以詩見贈依韻答之

掩關心緒篆煙微苔點侵階綠意肥目送已隨鴻北去

謂周少僕參贊曲終又和鶴南飛一樓高峙君堪臥三徑荒蕪  
我未歸江左同舟資共濟淵源還溯兩秋闈先後同出畢東屏師門

下門

回首蓬山不計年新詩重締舊因緣金蓮撤炬承恩早諫草經霜指佞先已見馬羣空北冀會看虎節鎮南天循良文苑儒林傳大集哀成內外篇

簡閱陸軍事竣小憩西園古刹伯平方伯卽席賦

詩依韻奉酬

昂頭天外落天狼十載兵閒味備嘗禁內廉頗思趙將  
軍中小范出吳閻輸贏似奕爭先著張弛如弓貴挽強  
慚愧書生談七略館娃戰壘久荒涼營房正對靈巖山  
爲吳宮故址孫武

子教  
戰處

休養年來荷 聖慈弄兵差喜靖潢池積薪厝火難忘  
備臥榻鼾眠恐未知籌筆頻煩飛挽計屯軍可有難居  
時戒壇小憩空王宅薇府催成擊鉢詩

二兄由蘇赴蜀紓道原籍崇仁祭掃以詩送之用

前韻

雁聲嘹唳不堪聞吳市逢君又送君宦轍東西萍作令  
鄉心章貢水平分經過栗里懷陶令悵望蘭亭感右軍  
兄曾至西湖遊賞數日惜未到山陰夜雨聯牀留後約白頭相對讀元文

綵蝶吟

丁未五月廿六夜已三鼓維時溽雨打蕉薰風  
弄竹余徘徊中庭若有所思瞥見一綵蝶四足  
蹁躚雙翼飛舞小立簾櫳意有瞻屬爰呼亭秋  
出視亭秋祝曰得非吾文化身先期來介壽乎  
余取紈扇承之安置女靈筵前詰朝幕中諸友

楊君邈真嚴君晴初江君壽讓許君紫橙咸來  
瞻視均歎爲純孝所感亭秋復祝以旣託仙游  
豈可久溷塵世如情殷將母不妨定期再臨筵  
若有知飛立衣襫中屹然不動約半時許余復  
餉以南海鮮荔支俄焉飛向空中而去眞耶幻  
耶殊難爲懷爰賦兩詩以誌感喟云爾

華燭中宵漏點稀游仙鳳子喜旋歸迎來裁月新團扇  
舞到凌風舊綵衣堂北應蠲譏草恨湖西曾伴雪花飛  
客冬西湖營葬會有綵  
蝶音雪飛舞亦奇矣荷觴侍宴先三日六月朔日爲  
亭秋五十初  
度夢想非非理不違

篆香纏繞五雲排，錦字回文倦眼揩。  
立琉璃窗前作回文字忙煞

綵鸞分寫韻。春秋感懷賦詩成五律四章欣看青雀早投懷，神酒酒相

栩仙非幻，孺慕依依孝克諧。祝汝歸來愁汝去，南飛一

曲荔支佳

亭秋主人五十初度，戒不舉觴詩以侑之。

荷蓋薰風送綺窗，連宵燈檠燉銀釭。于飛喜奏房中曲，  
偕隱歡迎渡口艤。眉黛昔描京兆筆，心香今奉麻姑幢。  
廿年對舉梁鴻案，介壽先傾玉尊雙。

御河冰泮認虹腰，門巷香鑪第一條。半餽凝塵朝乞米，  
疏簾捲雨夜吹簫。秋激銀漢雙星影，夢繞錢塘八月潮。

最是酒闌茶罷後十聯隨意寫生絹

移枝喜近上林鴉奩具書囊共一車五劇雷聲通戚  
里片帆風信到天涯綠楊分與泉明宅白雪耽吟道韞  
家何怪浮雲輕富貴蘭闥生小厭穠華

十丈紅燈照直廬連雞九國快驅除艱難行在餘清  
淚辛苦危城伴索居客邸幸安同幕燕敵情先察見淵  
魚留臺馳奏和戎策燒燭深宵代檢書

鶯誥親題御墨濃五花新降紫泥封彌成內治綏三  
輔披瀝忠肝答九重陌上銅駢歸浩劫山中梅鶴寄  
高蹤旁人莫詫笄珈貴未改寒家舊賃春

鴻泥淮浦渺難尋舊夢金梁感喟深只道曹昭甚續史  
誰知蔡女罷彈琴問名堂北忘憂草作客江南息影今  
我愧朱顏君綠鬢鏡中無奈雪霜侵

俠骨棱棱劍啟函卽論才調亦超凡詩情江上題紅葉  
畫意山中冷翠杉特爲門楣營老屋暫拋機杼理歸帆  
割慈頓失如花女天道悠悠四德咸

璇宮 文母頌思齋 訓宴傳宣進膳牌共羨鏘鸞新  
玉佩不忘挽鹿舊荆釵別無結習花爲命若問前身月  
入懷祝到期頤先得半與君靜好百年偕

題劉霞仙中丞遺像

衣錦還鄉尙黑頭書生談笑靖戈矛禮堂道廣傾文正  
幕府功高媲左侯衡嶽湘江留閒氣秦關蜀國有遺謳  
畫圖省識宗臣像想見綸巾第一流

劉申甫觀察以先德康侯星使小照索題走筆書  
贈

昔聞使君名今識使君面展圖知君志未伸令我一再  
發長歎峨峨巴黎城浩浩黃歇浦朝乘星槎暮按部卽  
此見君之建樹大才可以繼名父況有獅兒據江東聲  
名鼎鼎氣騰虎神化丹青億萬古我題斯圖心起舞卽  
今誰砾中流柱

得李苾園尙書點中書並消寒集卽用其韻作詩  
十年不執信陵鞭模楷龍門愧景賢夜雨東華曾翦門  
春風北海正開筵蠻姬解唱刀環曲侯吏驚誇衣錦鮮  
何日黔山陪杖履江南獨客感華顛

陸申甫廉使六秩生辰時將展 覲小詩奉祝並  
以送別

蓬山未療廣文貧五載東南轉漕頻豸節新除繡衣使  
鷗波猶浣薜蘿身錫齡 帝許先三日君六月二十  
五日誕生介壽公堪禮九賓鶴笛侑觴歌一曲萬家謳頌徧吳民  
周甲回思降獄年 爰恩祖德衍瓜瓞劉樊伉儷神仙

眷坡穎文章錦繡篇更底清風難買宅眉頭黃氣促朝  
天南山歌罷歌南浦合把離筵作壽筵

送亭秋入杭

又作之江汗漫游暮天涼雨送孤舟漁燈蟹火添詩料  
月杵霜鐘動客愁南浦與君頻贈別西湖笑我未句留  
吳儂祇道還鄉樂柳絮飄零感白頭

六月廿二日爲紋女設奠重展含貞圖有悼

生長郎潛未是貧學詩學字問爺頻一經待守中郎業  
百贖難留倩女身客邸愁心驚落木鄉關驛路阻通賓  
不堪病篤丁甯語早晚抽簪作幸民

回溯呱呱墮地年日長添縫慶絲頭誰知謝傅舊攀蘋  
忍賦香山感逝篇幾見殘灰銷浩劫似聞廣樂奏諸天  
雲車來往蘇杭便濁酒今朝當別筵

自嘲

浮雲薄薄嫩涼初一笑何來乞病書伯樂羣中多棧馬  
季鷹客裏負莼鱸暑寒未免孤人望安否猶勞問起居  
日日言歸歸未得故山猿鶴也軒渠

無題

刮盡銅山不療貧量沙空笑唱籌頻未聞賈誼虛前席  
漫詡韋皋是後身地入黃龍難痛飲天高白雁已來賓

惟應一舸從漁父常作桃源世外民

十載鈴山閣歲年東窗夜話更纏綿曾無麟趾闢雎意  
敢擬金縢大誥篇隨意但看棋外劫有情難補漏中天  
不因五斗頽然醉雄辯高談動四筵

吳方臣觀察升署汴臬以詩馳賀

柏府霜嚴紫電通讀書讀律濟時功左劉而後開帷幙  
鄭衛之間變雅風畫諾昔曾資孟博活人今又見于公  
彈冠非爲吾門喜喜卜中原政術隆

月下食荔支

飽啖支槳不算貧尊前明月正窺人鮮如瑤柱香盈口

坐到松陰露滿身若貢尙方宜置驛未諳食譜喜延賓  
何當去作楓亭長銀印相誇海外民

夜雨同楊逸眞徐小舟周紫雲聯句

諫書賀雨寫黃綾

紫雲

溥濟何勞病虎僧

逸眞

江晚桔

棹閒野岸

小舟

夜涼機杼話秋燈

筱石

兩河餘蔭蘇眠

柳逸眞  
十載蕭齋伴古藤

筱石

帝用爲霖民望澤

小

舟頭銜難副一條冰

筱石

游不繫園用前韻

舊雨新詩寫碧綾推敲月下未逢僧棲林鳥墮簷間鐵  
近水魚窺壁上燈屐齒折將三徑蘚琴心寄與一枝藤

杜詩全譜卷之三

鱸鄉大有秋風意銀漢高寒六月冰

秋燕限曹字韻

霜滿江天燕子高差池疏影助吟豪幾回春夢尋門巷  
一種秋心惜羽毛斜日舊家感王謝東風殘壘笑孫曹  
呢喃無限臨歧恨安得并州試翦刀

題逸眞梅菊折枝畫扇

南枝發古香東籬有佳色入君懷更間赤日變霜雪  
吳中舊團扇祇解畫放翁逋仙與陶令眞賞幾人同

七月二十一日約陳伯平方伯毛寶君學使朱竹  
石廉訪諸君同游石湖復至黃天蕩舟中作

九道虹腰跨水湄石湖秋色耐尋思相逢野老慚張蓋  
偶話殘僧爲訪碑十幅風蒲如畫裏萬絲煙柳欲眠時  
悠然濠上觀魚意望幸重賡御製詩

鏡影波光共入船江湖載酒早涼天碧筠纖水層層斷  
紅藕穿花處處田捲幔泉飛雙屐雨推篷人醉一蓑煙  
閒身半日拋塵網輸與沙鷗自在眠

和惲季文內翰見寄元韻

幽谷自芬芳吳門發古香純孝穎考叔大隱孟襄陽地  
僻心俱寂名潛道益彰儒生不朽業書劍抵旅常  
平遠述先德謳歌徧楚民澤流洞庭水花間武陵津作

吏遺清白還家擇里仁湖湘行腳地處處布陽春

登堂知有母敝屣視三公未遂牀前拜習聞林下風幔  
紗堪式範門榜表求忠寂寞元文在羞爲覆醬雄

感逝山陽笛愴懷我未堪詞林誰第二杯影不成三萬  
古曲圓月千尺春水潭騷壇數牛耳爵愧附庸男

回首瀧岡淚傷哉表墓情一官羈下邑八口落邊城栗  
里逢兵燹桐鄉見款誠夢中千里月常照夜郎明

不禁蒼茫意逢君一發攏狂瀾誰倒挽怪事竟空書遺  
像懷諸葛高風羨兩疏本無題柱志秋雨臥相如

絲竹中年事憂多惜寡歡毛摧潘鬢白腰瘦沈園寬石

破天難補城歸璧不完中宵頻起舞把劍夜漫漫

無才忝高位不算阮途窮燈火新涼味衣冠古處風避  
塵惟障面諧俗匪由衷江上秋雲慘臨流弔愍忠

酌酒邀天醉看杯引興長桃仍前度寶蘭以不言芳薄  
宦成浮梗倦遊思故鄉蘇臺挹高躅薰德有餘香

眼底雲濛豁胸中塊壘消傳聞相司馬未忍棄班超  
錦瑟增惆悵明珠慰寂寥鼓鼙思將帥應有霍嫖姚

院中紫薇著花甚繁與楊逸眞許紫橙聯句

戰院饒秋色筱石瓊林燦紫薇萼添新雨潤逸眞香逐  
曉風微瑞氣凝旌節素橙繁英兆帶圍雲瓊明畫錦筱

石霞采映朝衣繞樹鳥猶愛

逸真

尋芳蝶尙飛瑤階光

瀟瀟紫橙

畫檻影依依濃蔭垂鈴閣

筱石仙根託禁幃

丹疑叢桂麗

逸真

紅誤早梅肥

堂迴星初聚

紫橙枝高

露未晞簷前賓插帽

筱石門外客停駢燕睇封泥壘

逸真

眞鸞翻映日旂晚晴憐柳碧

紫橙

春景笑桃紺葉底金

鈴護

筱石花間玉漏稀雕梁繁玳瑁

逸真

繡幔綴珠璣

官樣新妝靚

紫橙郎潛舊夢違移裁

三殿近

筱石萬物被光輝

逸真

留園訪盛杏蓀侍郎不遇賦贈

綠水名園好結鄰垂楊難繫轉蓬身殘荷擊雨知魚樂

深樹籠煙養鹿馴四壁穿花青雀舫一甌當酒碧螺春  
我來不減王猷興看竹何須問主人

昌豫完娶作此示之

平生毛裏愛與汝最相親清白承先德生涯望後人聰  
明虞伐性爛漫喜全真道廣公卿長家門未算貧

電掣充閨喜忽忽十八年鯉庭學詩禮臯廡締姻緣爭  
道癡兒福似聞新婦賢獨憐嬌女逝惆悵畫堂邊

敬題 純廟賜錢文端公詩卷用曲園先生韻

漢家四葉臻全盛名德如公有幾人想見角巾歸里日  
錦衣雖舊 主恩新

一德真堪戴二天臯蘇事業富文年璇題珍重加餐  
意補入賡歌喜起篇

老將

百戰功名早歸來尙畏創逢人談骨相有夢醉沙場感  
慨三遺矢摩挲半段槍開邊勤遠略猶及見秦皇

老僧

粥鼓齋魚味清修不計年萬緣千劫換六祖一燈傳布  
衲忘寒暑蒲團幾缺圓南朝多少寺重話夕陽天

老僕

猶有狂奴態朱門歲月深青衣惟淚濺白髮感霜侵荒

徑難持。希空山早抱琴。儻逢蕭穎士。永矢愛才心。

老婢

誰把青春誤。都緣戀主慈。白家羞作姬。鄭宅解吟詩。偶向花間立。惟餘籠下悲。如談天寶事。轉笑出宮遲。

夜窗聽雨仍借逸真小舟紫雲聯句疊前韻

新詩一幅抵吳綾

逸真

不假推敲陋島僧

筱石

佳味初

酣閒甕酒新涼漸逼隔簾燈

小舟

庭前過雨風篩竹

紫雲

石上牽蘿月挂藤

筱石

無限屈騷蘭芷怨

逸真

莫將

碧唾化紅冰

筱石

苦吟無夢到青綾

小舟

趺坐難如入定僧

逸真

野水綠

浮官渡舫

紫雲

疏林紅溼酒家燈

筱石

煙籠湖上蘇隄

柳

紫雲

秋在宣南老屋藤

筱石

應是催詩聽夜雨

逸真

近來詩興冷於冰

筱石

七月廿六日蘇靜庵鄧寶真兩觀察招同幕中諸君子游天平山先在寒山寺小憩遂至天平白雲泉卽席限韻賦詩頗動南歸之興越日適拜督蜀之命乞假三月故末章有猿鶴歸帆之語

一葉扁舟浪打窗寒山楓冷落吳江天橫雁字秋將半人渡虹腰影倒雙款乃聲柔情更遠尖牙韻險興難降跨塘小泊推篷望野碓無風自在撞

籃輿輕便看山佳石筍朝天萬笏排郭外煙嵐繁柳綫  
欄前晴翠上松釵濁清未必泉流異醒醉何妨飲酒皆  
繡壤如雲香稻美滿腔生意付詩懷

一綫天梯俯綠郊上方清磬代僧敲數家曬網魚成市  
百尺棲梧鳳有巢疑雨隨攜青箬笠凌風吹解紫荷包  
入山虛負平生志苦被浮雲挂樹梢

竹箭東南信不凡半披野服半朝衫登樓夙景希文記  
表墓今看主簿銜吳郡鶯花留舊稿故山猿鶴望歸帆  
江干一片斜陽影倒映疏星絕壁嵌

蘇臺留別四首

蘊膾秋風客去吳甘年春夢草堂孤竭來我似辭巢燕

暫止人猶愛屋烏鄉信已荒三徑菊囊書穩載片帆蒲

名賢五百滋吾愧重寫滄浪話別圖

上年正月在汴梁顧漁溪京卿出示

宋牧仲滄浪話別圖未幾卽拜  
撫蘇之命汴人以爲佳識

齊女門前咽暮潮幾回雨晦與風瀟閒從花巷穿宮巷  
經過皋橋又苑橋近事吳中留畫扇有人市上感吹簫  
繫維莫副羣公意離緒紛披拂柳條

財賦東南冠九州祇今軍府困誅求不會望氣騰金虎  
容易驚寒起白鷗紅樹半江搖客夢青山一髮綰人愁  
如雲糴種村村熟喜見三農報早秋

樊樓燈火幾星霜花草吳宮半夕陽正擬輕裝載琴鶴  
漫勞廣坐奏笙簧樓船蜀道通吳會節度韋皋愧武鄉  
勉效平原留十日懷歸端爲簡書忙

秋夜不寐與亭秋話別聯句

葉落西風靜

亭秋

挑燈夜未央布衾難入夢

筱石角枕

頓生涼別意言難盡

亭秋

離愁引更長瑟琴彈古調

筱

石刀尺辦嚴裝茂苑輕舟發

亭秋

吳山立馬忙空庭悲

柳絮

筱石

秋塚感糟糠待漏朝

天闕亭秋

聞簫憶故

鄉勿忘偕老約

筱石

鴻案永相莊

亭秋

松壽堂詩鈔卷五